



TOSHKENT DAVLAT YURIDIK UNIVERSITETI REKTORINING B U Y R U G ' I

2021-yil 29-mart

08-70-son

Тошкент давлат юридик университети Ўқув-услугий кенгаши фаолиятини янада такомиллаштириш чора-тадбирлари тўғрисида

Ўзбекистон Республикаси Президентининг 2020 йил 29 апрелдаги “Ўзбекистон Республикасида юридик таълим ва фанни тубдан такомиллаштириш бўйича кўшимча чора-тадбирлар тўғрисида”ги ПФ–5987-сон Фармонида мувофиқ, ўқитишнинг кредит-модуль тизимини ва талабалар билимини баҳолаш усуллариини такомиллаштириш, ўқув жараёнида замонавий ахборот-коммуникация технологияларини кенг қўллаш ҳамда ўқув базасини модернизациялаш бўйича белгиланган вазифалар ижросини таъминлаш мақсадида

Б У Ю Р А М А Н:

1. Тошкент давлат юридик университети Ўқув-услугий кенгаши тўғрисидаги низомнинг янги таҳрири 1-иловага мувофиқ тасдиқлансин.

2. Тошкент давлат юридик университети Ўқув-услугий кенгаши таркиби 2-иловага мувофиқ тасдиқлансин.

3. Қуйидагилар:

Университет ректорининг 2013 йил 2 октябрдаги “Тошкент давлат юридик университетининг Ўқув-услугий кенгаши фаолиятини ташкил этиш тўғрисида”ги 08-280-сон;

Университет ректорининг 2019 йил 30 сентябрдаги “Тошкент давлат юридик университети Ўқув-услугий кенгашининг янги таркибини тасдиқлаш тўғрисида”ги 08-555-сон буйруқлари ўз кучини йўқотган деб ҳисоблансин.

4. Ўқув-услугий кенгаш (И.Рустамбеков) ваколати доирасидаги масалаларни ўз вақтида ва сифатли кўрилишини таъминласин.

5. Мазкур буйруқ ижросининг назорати проректор И.Рустамбеков зиммасига юклансин.

Ректор



Р. Ҳакимов

Лойиҳа киритди:

Ўқув-услубий
бошқарма бошлиғи

А.Тошпўлатов

Келишилди:

Проректор

И.Рустамбеков

Юридик бюро
катта юрисконсульти

Э.Хосилов

Тошкент давлат юридик университети
Ўқув-услубий кенгаши тўғрисида
НИЗОМ

Мазкур Низом 2019 йил 8 октябрдаги “Ўзбекистон Республикаси Олий таълим тизимини 2030 йилгача ривожлантириш концепциясини тасдиқлаш тўғрисида”ги ПФ–5847-сон ва Ўзбекистон Республикаси Президентининг 2020 йил 29 апрелдаги “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги ПФ–5987-сон фармонлари, 2018 йил 5 июндаги “Олий таълим муассасаларида таълим сифатини ошириш ва уларнинг мамлакатда амалга оширилаётган кенг қамровли ислохотларда фаол иштирокини таъминлаш бўйича қўшимча чора-тадбирлар тўғрисида”ги ПҚ–3775-сон қарори ва бошқа қонун ҳужжатларида белгиланган вазифалардан келиб чиқиб Тошкент давлат юридик университетида (кейинги ўринларда ТДЮУ деб юритилади) Ўқув-услубий кенгашнинг (кейинги ўринларда Кенгаш деб юритилади) мақсад ва вазифалари, ҳуқуқ ва мажбуриятлари ҳамда унинг фаолиятини ташкил этиш тартибини белгилайди.

I боб. Умумий қоидалар

1. Кенгаш ТДЮУда ўқув-педагогик жараёнга инновацион илғор ва халқаро таълим стандартларини жорий этиш талабларидан келиб чиққан ҳолда ўқув жараёнини кредит-модуль тизими, замонавий таълим технологиялари ҳамда интерактив таълим услубларини кенг жорий этиш ва фойдаланиш асосида ташкил этиш, таълим сифатини ошириш, шунингдек, таълим жараёнини ўқув материаллар билан таъминлашни амалга ошириш фаолиятини мувофиқлаштирувчи коллегиял орган ҳисобланади.

2. Кенгаш ўз фаолиятида Ўзбекистон Республикасининг Конституцияси, Ўзбекистон Республикасининг қонунлари, Ўзбекистон Республикаси Олий Мажлиси палаталарининг қарорлари, Ўзбекистон Республикаси Президентининг фармонлари, қарорлари ва фармойишлари, Ўзбекистон Республикаси Вазирлар Маҳкамасининг қарорлари ва фармойишлари, Ўзбекистон Республикаси Адлия вазирлиги ва Олий ва ўрта махсус таълим вазирлигининг Хайъат қарорлари ва буйруқларига, ТДЮУ Устави ва ТДЮУ

Кенгаши қарорлари, ТДЮУ ректорининг буйруқлари ва мазкур Низомга амал қилади.

3. Кенгаш таркиби Ўқув ишлари бўйича проректор тавсиясига кўра ректорнинг буйруғи билан тасдиқланади. Кенгаш таркибига Ўқув ишлари бўйича проректор (раис), раис ўринбосари, котиб, таркибий бўлинмалар раҳбарлари ва юқори илмий салоҳиятга эга профессор-ўқитувчилар киради.

4. Кенгаш фаолиятини ташкил этишга доир ҳужжатларни юритиш учун Кенгаш аъзоларидан бири Кенгаш котиби этиб тайинланади.

5. Кенгаш аъзолари унинг ишида жамоатчилик асосида иштирок этадилар.

II боб. Кенгашнинг асосий вазифалари ва ваколатлари

6. Кенгаш қуйидаги вазифаларни бажаради:

университет ўқув фаолиятини ривожлантириш концепциясини ишлаб чиқиш ва уни тасдиқлаш учун университет кенгашига киритиш;

мамлакатдаги ислохотларнинг замонавий босқичи эҳтиёжлари ва илғор хорижий тажрибани ҳисобга олган ҳолда бакалаврият таълим йўналишлари, магистратура мутахассисликлари малака талаблари, ўқув режалари ва дастур (силлабус)ларини ишлаб чиқишни таъминлаш ва уларни тасдиқлаш учун университет кенгашига киритиш;

ўқув тусдаги тадбирлар турлари ва уларга ажратилган соатлар ҳажмини ишлаб чиқиш ва тасдиқлаш;

ўқитишнинг кредит-модуль тизимини ва талабалар билимини баҳолаш усуллариини такомиллаштириш бўйича тавсиялар ишлаб чиқиш;

ўқув жараёнида замонавий ахборот-коммуникация технологиялари ҳамда интерактив таълим услубларини кенг қўллаш бўйича таклифлар тақдим этиш;

клиник юридик таълимни ривожлантириш йўли билан ўқув жараёни ва ҳуқуқни қўллаш амалиёти ўртасида узвий алоқани таъминлашга кўмаклашиш;

хорижий ҳамкорлар билан биргаликда ўқув-таълим жараёнига хорижий олимлар ва мутахассисларни фаол жалб қилиш бўйича киритилган таклифлар юзасидан ахборотларни эшитиш;

профессор-ўқитувчилар томонидан дарс машғулотлари ўтказилиши сифати таҳлилини амалга ошириб боришни ташкил этиш;

университет таркибий бўлинмаларининг ўқув ва ўқув-услубий фаолияти натижаларини кўриб чиқиш, ушбу йўналишда амалга оширилаётган ишлар юзасидан ахборотларни эшитиш ҳамда уни мувофиқлаштириб бориш;

университетни янги авлод ўқув адабиётлари билан таъминлаш ҳамда дарсликлар ва ўқув қўлланмаларини янгилаб бориш борасидаги чора-тадбирларни амалга ошириш;

университетда фойдаланиш учун хорижий ўқув адабиётлар рўйхатини шакллантириш, уларни харид қилиш ва фойдаланиш тартибини амалга оширишга кўмаклашиш;

мамлакатда амалга оширилаётган ҳуқуқий ислохотларни инобатга олиб, хорижий олимлар ва мутахассисларни жалб этган ҳолда янги авлод дарсликлари ва ўқув қўлланмалари туркумини, шунингдек, бошқа турдаги ўқув адабиётларини тайёрлашни таъминлаш;

хорижий ўқув ва илмий адабиётларни таржима ва таҳрир қилиш ҳамда экспертизадан ўтказишни амалга оширадиган мутахассис ва профессор-ўқитувчилар меҳнатига ҳақ тўлаш бўйича тегишли тавсиялар тақдим этиш;

ўқув адабиётлар, шу жумладан хорижий адабиётлар фондиди мунтазам янгилаб бориш юзасидан тавсиялар бериш;

муаллиф ва муаллифлар жамоаси томонидан ўқув адабиётлар чоп этилишини мувофиқлаштириш.

7. Кенгаш ўз вазифаларини амалга оширишда қуйидаги ваколатларга эга:

ўз фаолиятига оид иш режасини тасдиқлайди;

университет ўқув фаолиятининг устувор йўналишлари бўйича муҳокамалар ташкил қилади;

бакалавриат таълим йўналишлари ва магистратура мутахассисликлари учун малака талаблари, ўқув режалари ва дастур (силлабус)ларини ишлаб чиқишни таъминлайди ҳамда уларни тасдиқлаш учун университет кенгашига киритади;

тегишли ўқув йили учун ўқув жараёнлари графигини ишлаб чиқади ва тасдиқлайди;

талабалар билимини баҳолаш тартиби ва мезонларини ишлаб чиқишни таъминлайди ва тасдиқлайди;

рейтинг қайдномаларининг ҳамда якуний жамловчи рейтинг қайдномаларининг шакллари учун намуналарни тасдиқлайди;

кафедралар ўқув ва ўқув-услубий иш режалари бажарилиши ҳолатини муҳокама қилади;

кафедралар томонидан модуллар доирасида ташкил этилган мастер-класс, очик дарс ва тренинглар ўтказилиши, хорижий ва амалиётчи мутахассисларнинг ўқув жараёнига жалб қилинганлиги бўйича ахборотларни эшитиб боради;

ўқув адабиётларининг белгиланган талабларга мувофиқлигини аниқлайди, ўқув адабиётларини тайёрлаш бўйича тавсиялар ишлаб чиқади ва тасдиқлайди;

ўқув адабиётларини экспертизадан ўтказиш мақсадида тегишли соҳа мутахассисликлари бўйича эксперт гуруҳларини ташкил этади ҳамда мавжуд талабларга мос бўлган ўқув адабиётларни чоп этиш учун нашрга тавсия этади;

нашр этишга рухсатнома олиниши талаб этиладиган ўқув адабиётларни белгиланган тартибда экспертизадан ўтказди ва уларни нашрга тавсия этиш учун университет кенгашига тақдим этади;

“юриспруденция” мутахассислиги бўйича “Энг яхши дарслик” ва “Энг яхши ўқув қўлланма” танловлари шартларини белгилайди ва ўтказди;

хорижий олимлар ва мутахассисларни жалб этган ҳолда янги авлод дарсликлари ва ўқув қўлланмалари туркумини тайёрлаш ҳамда хорижий ўқув адабиётларини таржима қилиш бўйича тавсиялар ишлаб чиқади ва заруртга кўра университет кенгаши ёки ректорга таклифлар киритади;

хорижий ўқув адабиётларни таржима ва таҳрир қилиш ҳамда экспертизадан ўтказишни амалга оширадиган мутахассис ва профессор-ўқитувчиларни моддий ва маънавий рағбатлантириш бўйича университет ректорига тавсия киритади;

университет таркибий бўлинмаларининг ўқув йўналишдаги ўзаро ҳамкорлигини таҳлил қилади ҳамда университет ўқув фаолиятини бошқаришни такомиллаштириш бўйича тавсиялар ишлаб чиқади.

Кенгаш қонун ҳужжатларида белгиланган бошқа вазифаларни ҳам бажариши мумкин.

III боб. Кенгаш ишини ташкил қилиш

8. Кенгашнинг иш режаси ўқув йили учун тузилади ҳамда Кенгаш томонидан тасдиқланади.

9. Кенгаш иш режаси бажарилиши устидан умумий назорат Кенгаш раиси томонидан амалга оширилади.

10. Кенгаш иш режасини бажарилиши бўйича маълумотлар Кенгаш котиби томонидан умумлаштирилиб борилади.

11. Кенгаш иш режасига мувофиқ кенгаш мажлиси кун тартибига киритилиши лозим бўлган масалалар юзасидан барча зарур материаллар тақдим этилгач, Кенгаш котиби мажлис кун тартиби лойиҳасини тузади ва тасдиқлаш учун Кенгаш раисига тақдим этади.

12. Кенгаш мажлиси ўтказиладиган кун, вақт ва жой, шунингдек кун тартиби Кенгаш раиси томонидан тасдиқланади.

13. Кенгаш мажлиси кун тартиби Кенгаш мажлисидан уч кун олдин аъзоларга ва Кенгаш раисининг топшириғига мувофиқ бошқа шахсларга етказилиши лозим.

14. Кенгаш мажлислари заруриятга қараб ўтказилади. Кенгаш мажлисларида муҳокама қилинадиган масалалар юзасидан, Кенгаш аъзоси бўлмаган университет проректорлари, таркибий бўлинма раҳбарлари ҳамда

бошқа давлат ва нодавлат ташкилотлар, шу жумладан олий таълим муассасаларининг малакали мутахассислари ҳам таклиф қилиниши мумкин.

Кенгаш фаолиятига белгиланган тартибда ҳамкор хорижий ташкилотларнинг, хусусан олий таълим ва илмий тадқиқот муассасаларининг етакчи олимлари ва малакали мутахассислари таклиф этилиши мумкин.

15. Кенгаш мажлисига Кенгаш раиси раислик қилади. Кенгаш раиси йўқлигида унинг вазифасини Кенгаш раиси ўринбосари амалга оширади.

16. Кенгаш мажлисида аъзоларининг камида ярми иштирок этган тақдирда ваколатли ҳисобланади.

17. Кенгаш мажлисида кўриб чиқилган масалалар бўйича оддий кўпчилик овоз билан қарорлар қабул қилинади.

18. Кенгаш мажлисида Кенгаш котиби томонидан баённома юритилади. Кенгаш мажлисида муҳокама қилинган барча масалалар, билдирилган таклиф ва мулоҳазалар Кенгаш мажлиси баённомасига киритилиши лозим.

19. Кенгаш мажлиси баённомаси беш иш куни ичида Кенгаш раиси ва котиби томонидан имзоланиши лозим.

20. Кенгаш аъзолари ва юқори илмий салоҳиятга эга бўлган профессор-ўқитувчилар, ёш олимлар ва иқтидорли талабалар таркибидан долзарб ўқув-услубий вазифаларни ҳал этиш борасида таклиф ва тавсиялар ишлаб чиқадиған ишчи ва эксперт гуруҳлар ташкил этилиши мумкин.

Тошкент давлат юридик университети
Ўқув-услугий кенгаши таркиби

- | | | |
|-----|---------------|--|
| 1. | И.Рустамбеков | – Ўқув ишлари бўйича проректор, кенгаш раиси |
| 2. | А.Тошпўлатов | – Ўқув-услугий бошқарма бошлиғи, кенгаш раиси
ўринбосари |
| 3. | Ш.Сайдуллаев | – Оммавий ҳуқуқ факультети декани |
| 4. | Д.Камалова | – Жиноий одил судлов факультети декани |
| 5. | Б.Ходжаев | – Хусусий ҳуқуқ факультети декани |
| 6. | Д.Умарханова | – Халқаро ҳуқуқ ва қиёсий ҳуқуқшунослик факультети
декани |
| 7. | А.Бабаджанов | – Магистратура бўлими бошлиғи |
| 8. | Ш.Якубов | – Таълим сифатини назорат қилиш бўлими бошлиғи |
| 9. | Вакант | – Амалиёт ва касбий ривожлантириш бўлими бошлиғи |
| 10. | С.Муратаев | Давлат ва ҳуқуқ назарияси кафедраси мудири |
| 11. | Б.Мусаев | – Конституциявий ҳуқуқ кафедраси мудири |
| 12. | С.Юсупов | – Маъмурий ва молия ҳуқуқи кафедраси мудири |
| 13. | Н.Имомов | – Фуқаролик ҳуқуқи кафедраси мудири |
| 14. | Х.Раджапов | – Бизнес ҳуқуқи кафедраси мудири |
| 15. | Д.Хабибуллаев | – Фуқаролик процессуал ва иқтисодий процессуал
ҳуқуқи кафедраси мудири |
| 16. | Г.Узакова | – Экология ҳуқуқи кафедраси мудири |
| 17. | Ш.Исмоилов | – Меҳнат ҳуқуқи кафедраси мудири |
| 18. | Ш.Хўжаев | – Интеллектуал мулк ҳуқуқи кафедраси мудири |
| 19. | Х.Очилов | – Жиноят ҳуқуқи, криминология ва коррупцияга қарши
курашиш кафедраси мудири |
| 20. | Д.Базарова | – Жиноят-процессуал ҳуқуқи кафедраси мудири |
| 21. | М.Курбанов | – Криминалистика ва суд экспертизаси кафедраси
мудири |

- | | |
|---------------------|--|
| 22. В.Давлятов | – Суд, ҳуқуқни муҳофаза қилувчи органлар ва адвокатура кафедраси мудири |
| 23. Н.Гафурова | – Халқаро ҳуқуқ ва инсон ҳуқуқлари кафедраси мудири |
| 24. С.Бозоров | – Халқаро тижорат ҳуқуқи кафедраси мудири |
| 25. Г.Носирходжаева | – Умумтаълим фанлар ва маданият кафедраси мудири |
| 26. Н.Рамазонов | – Ўзбек тили ва адабиёти кафедраси мудири |
| 27. О.Тошматов | – Хорижий тиллар кафедраси мудири |
| 28. Г.Юлдашева | – Халқаро ҳуқуқ ва инсон ҳуқуқлари кафедраси профессори |
| 29. О.Нарзиев | – Халқаро хусусий ҳуқуқ кафедраси доценти, Юридик клиника раҳбари |
| 30. А.Хакимов | – Халқаро ҳуқуқ ва инсон ҳуқуқлари кафедраси катта ўқитувчиси, кенгаш котиби |

*Ўқув-услубий кенгаш таркибининг аъзоси бўлган Тошкент давлат юридик университети таркибий бўлинмалари раҳбарлари бошқа ишга ўтган тақдирда, унинг таркибига кўрсатилган лавозимларга янгидан тайинланган шахслар ёки зиммасига тегишли функцияларни бажариш юкланган шахслар киритилади.